

---

**SOALAN LAZIM**  
**INSENTIF PROGRAM KERJAYAGIG**  
**PERTUBUHAN KESELAMATAN SOSIAL (PERKESO)**  
**No. 1 / 2021 | 31 Mac 2021**

**1. Apakah objektif Program KerjayaGig?**

- Memperluas skop Insentif Pengambilan Pekerja di bawah **PenjanaKerjaya 2.0** kepada individu kehilangan pekerjaan dan penganggur dari golongan rentan yang terlibat dalam peluang pekerjaan jangka pendek sehingga mereka dapat memperoleh pekerjaan sepenuh masa.
- Memindahkan semula tenaga kerja yang tidak digunakan sepenuhnya (*underutilised*) dan sedang menerima cuti tanpa gaji kepada pekerjaan sementara atau kerjaya gig.
- Menggalakkan individu mengambil peluang pekerjaan merentasi pekerjaan tidak formal atau kerjaya ekonomi gig.

**2. Siapakah yang layak menerima Insentif Pengambilan Pekerja Program KerjayaGig?**

- Pekerja formal yang digajikan dan berdaftar dengan PERKESO namun diberikan notis cuti tanpa gaji.
- Individu kehilangan pekerjaan yang berdaftar dengan PERKESO.
- Pencari kerja dari golongan rentan. Antaranya, golongan hilang upaya, ibu tunggal, ketua keluarga kurang berkemampuan yang berdaftar dengan e-Kasih, gelandangan dan sebagainya.

**\*Nota:** Semua pekerja untuk program ini mesti berumur 18-60 tahun.

### 3. Apakah jenis pekerjaan sendiri atau pekerjaan gig yang berkelayakan untuk Insentif Program KerjayaGig?

- Organisasi, platform dan pertubuhan termasuk *e-hailing*, perniagaan digital, sebarang platform pekerjaan sendiri yang berdaftar dengan PERKESO dan menyediakan peluang pekerjaan jangka pendek bagi individu yang tersenarai di Soalan 2, adalah layak menerima Insentif Program KerjayaGig.

### 4. Apakah bantuan yang tersedia di bawah Insentif Pengambilan Pekerja Program KerjayaGig?

- Insentif sebanyak **RM 600 bagi setiap individu** selagi mana mereka terlibat dengan pekerjaan sendiri/gig sehingga **6 bulan**.
- Insentif berjumlah **RM 200** kepada organisasi, platform atau pertubuhan bagi setiap pengambilan pekerjaan sementara atau gig yang disediakan oleh operator yang berdaftar dengan PERKESO.

### 5. Apakah syarat yang perlu dipatuhi oleh individu sepanjang menerima insentif Program KerjayaGig?

- Individu yang menerima insentif perlu mengemukakan bukti aktiviti pekerjaan yang disahkan oleh operator, platform atau majikan yang menyediakan pekerjaan sendiri dengan memuat naik Log Aktiviti Gig dan mengisytiharkan telah **bekerja sekurang-kurangnya 15 jam setiap minggu** melalui sistem permohonan PenjanaKerjaya pada setiap bulan untuk menerima bayaran insentif pekerjaan yang berikutnya.
- Orang Bekerja Sendiri yang telah menghantar pembuktian cetakan berkomputer berkenaan pekerjaan yang telah dilaksanakan serta mengandungi *letterhead* rasmi atau logo operator, platform atau majikan, adalah tidak perlu untuk mendapatkan pengesahan bagi pekerjaan yang telah dilaksanakan.
- Individu yang ditawarkan pekerjaan sepenuh masa atau pekerjaan secara *contract of service* perlu melaporkan status pekerjaan mereka kepada PERKESO dalam tempoh 24 jam menerusi PenjanaKerjaya bagi menamatkan pembayaran insentif seterusnya.
- Individu yang gagal melaporkan akan diarahkan untuk membayar semula jumlah bayaran yang telah diterima kepada PERKESO.

**6. Adakah pekerja bebas (*freelancers*) tanpa operator layak untuk menerima insentif penempatan RM 200?**

- Tidak, hanya organisasi, platform atau pertubuhan yang berdaftar dengan PERKESO adalah layak untuk menerima insentif penempatan sebanyak RM200. Pekerja gig hanya berkelayakan untuk menerima insentif RM600 sahaja.

**7. Bagaimana individu boleh memohon Inisiatif Program KerjayaGig?**

- Log masuk di [www.myfuturejobs.gov.my](http://www.myfuturejobs.gov.my) dan mohon pekerjaan yang tersenarai di bawah kategori pekerjaan sendiri.
- Selepas berjaya mengambil pekerja, majikan perlu mendaftarkan Orang Bekerja Sendiri yang berjaya melalui [penjanakerjaya.perkeso.gov.my](http://penjanakerjaya.perkeso.gov.my) untuk memohon insentif Program KerjayaGig.

**8. Bolehkah individu memohon insentif bekerja di bawah lebih dari dua operator?**

- Tidak. Pekerja Gig hanya akan diberikan kelulusan secara *first come first serve* bagi mengelakkan pertindihan insentif.

**9. Bolehkah operator atau platform memohon insentif untuk individu yang sama?**

- Tidak. Insentif akan diluluskan secara *first come first serve* bagi mengelakkan pertindihan insentif.

**10. Bolehkah individu yang menerima insentif pengambilan pekerja di bawah PenjanaKerjaya memohon untuk insentif Program KerjayaGig?**

- Boleh, individu yang telah kehilangan pekerjaan atau menerima cuti tanpa gaji adalah layak untuk memohon program tersebut, dan sebaliknya. Individu dari **Program KerjayaGig** juga boleh memohon insiatif **PenjanaKerjaya**.

### **11. Apakah dokumen yang diperlukan untuk permohonan insentif?**

- Dokumen yang diperlukan adalah seperti berikut:
  - i. Borang Pengesahan Pekerjaan yang ditandatangani oleh individu bekerja sendiri.
  - ii. Maklumat akaun bank individu bekerja sendiri (salinan muka hadapan penyata bank yang mengandungi nama pekerja, nombor akaun bank, kad pengenalan, dan nama bank).
  - iii. Surat atau dokumen berkaitan serta bukti yang dikeluarkan oleh majikan terkini bagi pekerja yang menerima cuti tanpa gaji.
  - iv. Emel pengesahan daripada operator bagi mengesahkan status pekerjaan untuk pekerja sendiri yang baru diambil.

### **12. Bilakah Program KerjayaGig berkuatkuasa?**

- Sebarang penempatan pekerjaan di bawah Program KerjayaGig bermula dari **17 Mac 2021** adalah layak untuk memohon insentif Program KerjayaGig.
- Permohonan bagi insentif bermula pada **1 April 2021**.

### **13. Bilakah tarikh akhir bagi permohonan insentif Program KerjayaGig?**

- Tarikh akhir bagi permohonan insentif Program KerjayaGig adalah pada **30 Jun 2021**.
- Sekiranya permohonan dibuat pada 30 Jun 2021, pekerja sendiri tersebut akan menerima insentif sehingga Disember 2021.

### **14. Apakah yang akan dilaksanakan oleh PERKESO sekiranya permohonan mengandungi maklumat palsu/tidak tepat?**

- PERKESO akan mengambil tindakan berkenaan:
  - i. Menolak permohonan daripada majikan sekiranya menghantar maklumat palsu atau salah; atau sekiranya majikan tidak memenuhi syarat kelayakan.
  - ii. Menangguhkan atau menghentikan pembayaran sekiranya permohonan adalah didapati mengandungi maklumat palsu/salah, atau sekiranya majikan tidak memenuhi syarat kelayakan.

- iii. Mengambil tindakan undang-undang bagi menuntut semula bayaran yang telah dibuat kepada majikan sekiranya pembayaran tersebut dibuat berdasarkan maklumat palsu atau tidak tepat daripada mana-mana pihak/atau sekiranya majikan tidak memenuhi syarat yang ditetapkan selepas menerima pembayaran.

**15. Bagaimana untuk mendapatkan maklumat lanjut berkenaan insentif Program KerjayaGig?**

- Kunjungi [www.perkeso.gov.my](http://www.perkeso.gov.my) atau [www.myfuturejobs.gov.my](http://www.myfuturejobs.gov.my)
- Individu yang berminat boleh juga menghubungi talian perkhidmatan khas kami di 03-80915300 / 1-300-22-8000 atau emel kepada [penjanakerjaya@perkeso.gov.my](mailto:penjanakerjaya@perkeso.gov.my)

**PERTUBUHAN KESELAMATAN SOSIAL (PERKESO)**

**31 Mac 2021**